

## Pripreme za Sarajevo Business forum



Sa jučerašnje radionice u Sarajevu

# Radionica za 70 bh. kompanija

Bosnia Bank International VIP Business Club i konsultantska kompanija iz Turske PGlobal jučer su u Sarajevu za predstavnike oko 70 bh. kompanija različitih profila održali radionicu za pripremu studija izvodljivosti kako bi ih pripremili da što bolje stranim investitorima predstave svoje projekte na Sarajevo Business forumu, investicijskoj konferenciji zakazanoj za 6. i 7. april u Sarajevu.

Ovo je druga od planirane četiri radionice koje će biti održane prije početka foruma, putem kojih će zainteresirane bh. kompanije dobiti precizne informacije i uputstva o tome na koji način će pripremiti dokumentaciju i po kojem metodu će napraviti studije izvodljivosti projekata s kojima će aplicirati kod potencijalnih

investitora. Radionice vodi generalni direktor PGlobala Murat Yulek, koji je obavljao važne funkcije u Međunarodnom monetarnom fondu, Svjetskoj banci, Islamskoj banci za razvoj te mnogim drugim uglednim finansijskim institucijama.

SBF će okupit veliki broj značajnih investitora iz zemalja bogatog Zaljewa, Azije i Evrope. Težište konferencije bit će usmjereno ka četiri privredna sektora: energetika, poljoprivreda, infrastruktura i turizam, s namjerom da se BiH potencijalnim stranim investitorima predstavi kao zemlja koja ima povoljne uvjete za strana ulaganja, a bh. kompanijama pruži mogućnost da neposredno investitorima ponude svoje projekte.